

摛藻堂四庫全書薈要

集部

欽定四庫全書薈要

集部

御定全唐詩卷二百二十三

詳按官候補通政司經歷臣郭祚熾

欽定四庫全書薈要卷一萬七千六百二十七

具部

御定全唐詩卷二百二十二

杜甫

八哀詩

并序

傷時盜賊未息興起王公李公歎舊懷賢終于張
相國八公前後存歿遂不詮次焉

贈司空王公思禮

司空出東夷

高麗也

童穉刷勁翮追隨燕薊兒穎銳

一作脫

物不隔服事哥舒翰意

一作氣

無流沙磧未甚拔行間犬

戎大充斥短小精悍姿屹然強寇敵貫穿百萬衆出入

由咫尺馬鞍懸將首甲外控鳴鏑洗劍青海水刻銘天

山石九曲非外蕃其王轉深僻飛兔不近駕驚鳥資遠

擊曉達兵家流飽聞春秋癖胷襟日沈靜肅肅

一作蕭蕭

自

有適潼關初潰散萬乘猶辟易偏裨無所施元帥見手

格太子入朔方至尊狩梁益胡馬纏伊洛中原氣甚逆

肅宗登寶位塞望勢敦迫

一作通

公時徒步至請罪將厚

責際會清河公間道傳玉冊

哥舒翰敗潼關思禮走行在肅宗將斬之清河公房

瑄時自蜀奉冊命至諫上以爲可收後効遂釋之

天王拜跪畢讜議果冰釋翠

華卷飛雪

一作飛雪中

熊虎亘阡陌屯兵鳳皇山帳殿涇渭

關金城

景龍四年送金城公主於始平縣改名金城非河西金城也時思禮爲關內節度使鎮此故云

賊咽喉詔鎮雄所搯禁暴清

一作靖一作靜

無雙爽氣春浙瀝

巷有從公歌野多青青麥及夫哭廟後復領太原役

長安

平思禮先入清宮遷兵部尚書李光弼徒河陽代爲太原尹北京留守尋加守司空 恐懼祿位高

悵望王土窄不得見清時嗚呼就窀穸

厚夜也

永

一作空

繫

五湖舟悲甚田橫客千秋汾晉間事與雲水白昔觀文

苑傳豈述廉藺績

一作頗蹟

嗟嗟

一作諾諾一作喏喏

鄧大夫士卒終

倒戟

鄧景山爲太原尹爲軍衆所殺

故司徒李公光弼

光弼已封王贈太保稱司徒者以其功名著於司徒

時洗兵馬亦云司徒清鑒懸明鏡

司徒天寶末北收晉陽甲胡

一作獠

騎攻吾城愁寂意不

愜人安若泰山薊北斷右脅朔方氣乃

一作多

蘇黎首見帝

業二宮泣西郊九廟起頽壓未散河陽卒思明僞臣妾

復自碣石來火焚乾坤獵高視笑祿山公又大獻捷

一作

獻大捷

異王

異姓封王也寶應元年五月光弼進封臨淮郡王

冊崇勲小敵信所

怯擁兵鎮河汴千里初妥帖

上元二年以光弼為副元帥統河南等八道行營節

度出鎮臨淮

青蠅紛

一作徒

營營風雨秋一葉內省未入朝死

淚終映睫

宦官魚朝恩郭元振用事日謀中傷之吐蕃入寇代宗召光弼入援因畏禍遷延不至田

神功等遂不受節制恥媿成疾薨

大屋去高棟長城埽遺堞平生白羽

扇零落蛟龍匣雅望與

一作歎

英姿惻愴槐里接三軍晦

光彩烈士痛稠疊直筆在史臣將來洗箱篋吾思哭孤

冢南紀阻歸楫扶顛永蕭條未濟失利涉疲茶

乃結切
莊子茶

然疲役而
不知歸

竟何人灑涕巴東峽

贈左僕射鄭國公嚴公武

鄭公瑚璉器華岳金天晶

唐封華岳神
爲金天王

昔在童子日已

聞老成名嶷然大賢

謂武父
挺之

後復見秀骨清開口取將

相小心事友生閱書百紙

一作
氏

盡落筆四座驚歷職匪父

任嫉邪常力爭漢儀尚整肅胡騎忽縱橫飛傳自河隴

逢人問公卿不知萬乘

一作
乘輿

出雪涕風悲鳴受詞劔閣

道謁帝蕭關城寂莫雲臺仗飄飄沙塞旌江山少使者

笳鼓凝皇情壯士血相視

一作見

忠臣氣不

一作未

平密論

貞觀體揮發岐陽征感激動四極聯翩收二京西郊牛

酒再

一作至

原

一作九

廟丹青明匡汲俄寵辱衛霍竟哀榮

四登會府地

收長安拜京兆少尹寶應元年拜京兆尹兩鎮劔南俱兼成都尹四登會府也

三

掌華陽兵

華陽黑水惟梁州武初出刺緜州遷東川節度再拜成都尹充劔南節度再遷黃門侍郎

拜成都尹充劔南節度乃三掌華陽兵也

京兆空柳色

一作市

尚書無履聲羣

烏自朝夕白馬休橫行諸葛蜀人愛文翁儒化成公來

雪山重公去雪山輕記室得何遜韜鈴延子荆

武嘗延甫為參

謀故以何遜自比

四郊失辟壘虛館開

一作間

逢迎堂上指圖

一作

書

畫軍中吹玉笙豈無成都酒憂國只細傾時觀錦水

釣問俗終相并意待犬戎滅人藏紅粟盈以茲報主願

庶或

一作獲

裨世程炯炯一心在沈沈二豎嬰顏回竟短

折賈誼徒忠貞飛旄出江漢孤舟轉荆衡虛無

一作為一作橫

馬融笛悵望龍驤瑩空餘老賓客身上媿簪纓

贈太子太師汝陽郡王璵

汝陽讓帝

讓皇帝憲本名成器初立為太子後因明皇有平韋氏功讓儲位謚曰讓

子睂宇

真天人虬鬚

一作顏

似太宗色映塞外

一作寒夜

春往者開元

中主恩視遇頻出入獨非時禮異見羣臣愛其謹潔極

倍此骨肉親從容聽

一作退

朝後或在風雪晨忽思格猛

獸苑園騰清塵羽旗動若一萬馬肅駢駢詔王來射雁

拜命已挺身箭出飛鞚內上又

一作入

回翠麟翻然紫塞

翻下拂明月輪胡人雖獲多天笑不為新王每中一物
手自與金銀袖中諫獵書扣馬久上陳竟無銜檠虞聖

聰一作慈

矧多仁官免供給費水有在藻鱗匪唯帝老大

皆是王忠勤晚年務置醴門引申白賓

漢楚元王與白生申公同受詩

於浮丘伯魯穆生不嗜酒元王爲設醴

道大容無能永懷侍芳茵好學尚

貞一作正

烈義形必需中揮翰綺繡揚篇什若有神川廣

不可泝墓久孤兔鄰宛彼漢中郡

王弟漢中王瑀

文雅見天倫

何以開一作慰

我悲泛舟俱遠津溫溫昔風味少壯已書

紳舊遊易磨滅衰謝增

一作多酸辛

贈祕書監江夏李公邕

長嘯宇宙間高才日陵

一作論

替古人不可見前輩復誰

繼憶昔李公存詞林有根柢聲華當健筆灑落富清製

風流散金石追琢山岳銳情窮造化理學貫天人際干

謁走其門碑版照四裔各滿深望還森然起凡例蕭蕭

白楊路洞徹

一作涸轍

寶珠惠龍宮堦廟湧

一作踴

浩劫浮雲

一作空

衛宗儒俎豆事故吏去思計眇眇已皆虛跋涉曾

不泥向來映當時豈獨

一作特

勸後世豐屋珊瑚鉤騏驎

織成罽

居例切

紫駟隨劔几義取無虛歲

邕尤長碑頌中朝衣冠及天下

寺觀多齋金
帛求其文

分宅脫驂間感激懷未濟衆歸賙給美擺

落多藏

一作藏

穢獨步四十年風聽九臯
嗷嗚呼江夏姿

竟掩宣尼袂往者武后朝引用多寵嬖否臧太常議

太常

博士李處直議韋巨

源謚曰昭邕再駁之

一作面折二

三張勢

宋璟劾張昌宗兄弟反狀武后

不應邕在階下大言曰璟所陳當聽

衰俗凜生風排蕩秋旻霽忠貞負冤

一作怨

恨宮闕深梳綴放逐早聯翩低垂困炎厲

一作癘

日

斜鵬鳥入魂斷蒼梧帝榮

一作榮

枯走不暇星駕無安稅

幾分漢廷竹夙擁文侯箠終悲洛陽獄事近小臣敝

一作

斃禍階初負謗易力何深濟濟嘗也唐藝文傳孺濟道真伊昔臨淄

亭酒酣託末契重叙東都別朝陰改軒砌論文到崔融

蘇味一作道指推盡流水逝近伏盈川楊炯雄未甘特進李麗

是非張相國燕公說相扼一危脆爭名古豈然鍵捷一作關鍵

鍵捷二字廣韻通用欸不閉例一作及吾家詩曠懷埽氛翳慷慨

嗣真作原注和李大夫乃杜審言詩咨嗟玉山桂鐘律儼高懸鯤鯨

噴迢遞坡陀青州血蕪沒汶陽瘞李林甫素忌邕因傳以柳勣罪牽連遣人

就郡杖殺之哀贈竟蕭條恩波延揭厲子孫存如綫舊客舟

凝滯君臣尚論兵將帥接燕薊朗吟六公篇

張桓等五王泊狄相

六公皆邕詩

憂來豁蒙蔽

故祕書少監武功蘇公源明

武功少也孤徒步客

一作寓

徐充讀書東岳中十載考墳

典時下菜蕪郭忍饑浮雲嘯負米晚爲身每食臉必泣

夜字照熱薪垢衣生

一作帶

碧蘚庶以勤苦志報茲劬勞

顯一作願

學蔚醇儒姿文包舊史善灑落

一作淚

辭幽人歸

來潛京輦射君東堂策

一作射策君東堂晉武帝詔諸賢良方正輩會東堂策問

宗

匠集精選制可題

一作制
題墨

未乾乙科

一作休聲經策全
得爲甲科策得四

帖以上
爲乙科

已大闡文章日自負吏祿

一作
掾吏

亦累踐晨趨閭

闔內足跼宿昔趼一麾出守還黃屋朔風卷不暇陪八

駿虜庭悲所遣平生滿尊酒斷此用知展憂憤病二秋

有恨石

一作
不

可轉肅宗復社稷得無逆順辨范煜顧其

兒李斯憶黃犬祕書茂松意

一作祕書茂松色屨扈祠
壇前後百卷文枕藉皆

禁籥篆刻揚雄流溟漲本末淺一本屨
扈作再從一本作屨侍篆刻作制

溟漲本末

一作
末

淺青熒芙蓉劒犀兕豈獨剗

止充
切

反爲後輩褻予實苦

懷緬煌煌齋房芝漢武帝有芝房歌時宰相王與以祈禱媚上源明極言之事絕一作

終萬手蹇蹇音蹇垂之俟來者正始徵貞一作勸勉不要惡一作

懸黃金胡為投乳一作亂贗音贗結交三十載吾與誰游行

滎陽謂鄭復冥莫罪罟已橫胃音胃嗚呼子逝日始泰則

一作終蹇長安米萬錢凋喪盡餘喘戰伐何當解歸帆

阻清河尚纏漳水疾永負蒿里錢

故著作郎貶台州司戶滎陽鄭公虔

鷓鴣至魯門不識鐘鼓饗孔翠望赤霄愁思一作雕籠

養榮陽冠衆儒早聞名公賞地崇士大夫況乃氣精

一作

氣清一爽

原注往者公在疾蘓許公頌位尊望重素未相識早愛才名躬自撫問後結忘年之分遠

之

天然生知姿學立游夏上神農極闕漏黃石媿師

長樂纂西極

一作域

名兵流指諸掌

原注公著薈蕞等諸書又撰胡本草七卷

貫穿無遺恨薈蕞取何技瘡

虔采集異聞成書四十餘卷蘇源明請名會粹取爾雅序

會粹舊說也一云薈蕞草多而小言著書多小碎事也

圭臬

圭以測日景臬以平水

星經奧

蟲篆丹青廣子雲窺未徧方朔諧太枉神翰顧不一體

變鐘兼兩文傳天下口大字猶在榜昔獻書畫圖新詩

亦俱往滄洲動玉陛

一作階

宣

一作寡
一作宮

鶴誤一響三絕自

御題

明皇題其詩與書
畫曰鄭虔三絕

四方尤所仰嗜酒益疎放彈琴

視天壤形骸實土木親近唯几杖未曾寄

一作記

官曹突

兀倚書幌晚就芸香閣胡塵昏垓莽反覆歸聖朝點染

無滌盪老蒙台州掾泛泛

一作遊泛

淙江槩履穿四明雪饑

拾櫂溪椽空聞紫芝歌不見杏壇丈天長眺東南秋色

餘魍魎別離慘至今斑白徒懷曩春深秦

一作秦

山秀葉

墜清渭朗劇談王侯門野稅林下鞅操紙終夕酣時物

集遐想詞場竟疎闊平昔濫吹一作咨獎百年見存歿一作推

牢落吾安放一作做蕭條阮咸在出處同世網他日訪江

樓含悽述飄蕩原注著作與今秘書監鄭君審篇翰齊價謫江陵故有阮咸江樓之句

故右僕射相國英華有曲江二字張公九齡

相國生南紀金璞無留礦仙鶴下人間獨立霜毛整矯

然江海一作漢思復與雲路永寂莫想土一作玉階未遑一作

嘗等箕顛上君白玉堂倚君金華省碣石一作竭歲崢嶸

天地一作池日蛙黽退食吟大庭何心記一作託榛梗骨驚

畏曩哲鬢

一作鬚

變負人境雖蒙換蟬冠右地慙

女六切

多

幸敢忘

一作志

二疏歸痛迫蘇耽井

九齡乞歸養母不許後以母喪解職

紫

綬

一作金紫

映暮年荆州

九齡嘗薦周子諒周得罪以舉非其人貶荆州長史

謝所領

庾公興不淺黃霸鎮每靜賓客引調同諷詠在務屏詩

罷地有餘

一作詩地能有餘

篇終語清省一陽發陰管淑氣含

公鼎乃知君子心用才文章境散帙起翠螭倚薄巫廬

竝綺麗玄暉擁牋誅任昉騁自我

一作成

一家則

一作削

未

缺隻字警言千秋滄海南名繫朱鳥

南宮赤帝其精為朱鳥乃南方七宿

影

歸老

一 作 歟

守故林戀闕情

一 作 嘗

延頸波濤良史筆蕪絕

大庾嶺向時禮數隔制作難上請再讀徐孺碑猶思理

煙艇

寫懷 二首

勞生共乾坤何處異風俗冉冉自趨競行行見羈束無
貴賤不悲無富貧亦足萬古一骸骨鄰家遞歌哭鄙夫
到巫峽三歲如轉燭全命甘留滯忘情任榮辱朝班及
暮齒日給還脫粟編蓬石城東采藥山北

一作 林

谷用心

霜雪間不必條蔓綠非關故安排曾是順幽獨達士如
弦直小人似鉤曲曲直我不知負暄候樵牧

夜深坐南軒明月照我鄰驚風翻河漢梁棟已出日

一作

出日已羣生各一宿飛動自儔匹吾亦驅其兒營營爲私

實

一作室

天寒行旅稀歲暮日月疾榮名忽

一作惑

中人世

亂如蟣蝨古者三皇前滿腹志願畢胡爲有結繩陷此
膠與漆禍首燧人氏厲階董狐筆君看燈燭張轉使飛
蛾密放神八極外俯仰俱蕭瑟終契如往還

一作終然契真如

得匪合仙術

一作歸匪
金仙術

可歎

天上浮雲如

一作似

白衣斯須改變如蒼狗古往今來共

一時人生萬事無不有近者抉眼去其夫

一作昧

河東女

兒身姓柳丈夫正色動引經艷城客子王季友羣書萬

卷常暗誦孝經一通看在手貧窮老瘦家賣屐

一作履

好

事就之為攜酒豫章太守高帝孫

謂李勉

引為賓客敬頗

久聞

一作問

道三年未曾語小心恐懼閉其口太守得之

更不疑人生反覆看亦

一作已

醜明月無瑕

即指季友為妻所棄事

豈

容易紫氣鬱鬱猶衝斗時危可仗真豪俊二人得置君

側否太守頃者領山南邦人思之比父母王生早曾拜

顏色高山之外皆培塿用為羲和天為成用平水土地

為厚王也論道阻江湖李也丞疑

一作疑

曠前後死為星

辰終不滅致君堯舜焉宵朽吾輩碌碌飽飯行風后力

牧長回首

觀公孫大娘弟子舞劍器行

并序

大歷二年十月十九日夔府別駕元持一作持宅見

臨穎李十二娘舞劔器壯其蔚跂問其所師一本此下

有答字曰余公孫大娘弟子也開元三一作五載余尚

童穉記於郾城觀公孫氏舞劔器渾脫瀏灑頓挫

獨出冠時自高頭宜春梨園二伎一作教坊內人洎

外供奉曉是舞者聖文神武皇帝初公孫一人而

已玉貌錦一作繡衣況余白首今茲弟子亦匪盛顏

既辨其由來知波瀾莫二撫事慷慨聊爲劔器行

往者吳人張旭善草書帖數常於鄴

一作葉

縣見公

孫大娘舞西河劍器自此草書長進豪蕩感激即
公孫可知矣

昔有佳人公孫氏一舞劍氣動四方觀者如山色沮喪
天地爲之久低昂燿音酷如羿射九日落矯如羣帝驂龍

翔來

一作末

如雷霆收震怒罷如江海凝清光絳脣珠袖

兩寂莫況

一作晚

有弟子傳芬芳臨穎美人在白帝妙

舞此曲神揚揚與余問答既有以感時撫事增惋傷先

帝侍女八千人公孫劔器初第一五十年間似反掌風

塵傾動

一作
頰洞

昏王室黎園子弟散如煙女樂餘姿映寒

日金粟堆南木已拱瞿唐石城草

一作
暮

蕭瑟玳筵急管

曲復終樂極哀來月東出老夫不知其所往足繭荒山

轉愁疾

一作
寂

往在

往在西京日

一作
時

胡來滿彤

一作
丹

宮中宵焚九廟雲漢

爲之紅解瓦飛十里總帷紛

一作
粉

曾

一作
層

空疚心惜木

主一一灰悲風合昏排鐵騎清旭

一作曉

散錦驂

廣韻驢子曰驂

祿山陷兩京以橐駝運御府珍寶故云一作幪

賊臣表逆節

一作帥

相賀以成功

是時妃嬪戮連爲糞土叢當宁陷玉座白間剝畫蟲不

知二聖處私泣百歲翁車駕旣云還楹桷燼穹崇故老

復涕泗祠官樹倚桐宏壯不如初已見帝力雄前春禮

郊廟祀事親聖躬微軀忝近臣景從陪羣公登階捧玉

冊峨冕耿

一作聆

金鍾侍祠慙先露

一作露

掖垣邇濯龍天

子惟孝孫五雲起九重鏡奩換粉黛翠羽猶蔥朧前者

厭羯胡後來遭犬戎俎豆腐

一作醬

膾肉罌噎行角弓安

得自西極申命空山東盡驅詣闕下士庶塞關中主將

曉逆順元元歸始終一朝自罪已

一作罪已已

萬里車書通

鋒鏑供鋤犁征戍

一作戍

聽所從冗官各復業土著還力

農君臣節儉足朝野歡呼

一作娛

同中興似

一作比

國初繼

體如太宗端拱納諫諍和風日沖融赤墀櫻桃枝隱映

銀絲籠千春薦陵寢永永垂無窮京都不再火涇渭開

愁容歸號故松柏老去苦

一作若

飄蓬

昔遊

昔者與高

適

李

白

晚

一作同

登單父臺寒蕪際碣石萬里

風雲來桑柘葉如雨飛藿去

一作共

裴回清霜大澤凍禽

獸有餘哀是時倉廩實洞達寰區

一作瀛

開猛士思滅胡

將帥望三台君王無所惜駕馭英雄材幽燕盛用武供

給亦勞哉吳門轉粟帛泛海陵蓬萊肉食三

一作四

十萬

獵射起黃

一作塵

埃隅河憶長眺青歲已摧頽不及少年

日無復故人杯賦詩獨流涕亂世想賢才有

一作若

能

市駿骨莫恨少龍媒商山議得失蜀主脫嫌猜呂尚封

國邑傳說已鹽梅景晏楚山深水鶴去低回龐公任本

性攜子臥蒼苔

市駿以下言果能求賢則高山諸葛呂尚傳說之流世豈少其人哉惟甫漂泊

楚山終當爲龐公高隱耳

壯遊

往昔

一作者

十四五出遊

一作入

翰墨場斯文崔魏徒

原注崔鄭

州尚魏豫州啓心

以我似

一作比

班揚七齡思即壯開口詠鳳皇

九齡書大字有作成一囊性豪業嗜酒嫉惡懷剛腸脫

略一作落小時輩結交皆老蒼飲酣視八極俗物都茫茫

東下姑蘇臺已具浮海航到今有遺恨不得窮扶桑王

謝風流遠闔廬丘墓荒劔池石壁仄長洲荷芰香嗟峨

閭門北清廟映回一作池塘每趨吳太伯撫事淚浪浪枕

戈憶句踐渡浙想秦皇蒸魚聞匕首除道哂要章說文

要除道腰章用朱買臣事越女天下白鑑湖五月涼剡溪蘊秀異欲

罷不能忘歸帆拂天姥中歲貢舊鄉氣廟屈賈壘目一作

日短曹劉牆忤下考功第獨辭京尹堂放蕩齊趙間裘

馬頗清狂春歌叢臺上冬獵青丘旁呼鷹阜

一作紫

櫪一作

標

林逐獸雲雪岡射飛曾縱鞚引

一作跋

臂落鷲鶴蘇侯

據鞍喜

原注監門曹曹蘇預

忽如攜葛強快意八九年西歸到咸

陽許與必詞伯賞

一作貴

遊實賢王曳裾置醴地奏賦入

明光天子廢食召羣公會軒裳脫身無所愛

一作受

痛飲

信行藏黑貂不

一作寧

免敝斑鬢兀稱觴杜曲晚

一作挽

耆舊四郊多白楊坐深鄉黨敬日

一作白

覺死生忙朱門

任一作務

傾奪赤族迭罹殃國馬竭粟豆官鷄輸稻梁舉

隅見煩費引古惜興亡河朔風塵起岷山行幸長兩宮

各警蹕萬里遙相望崆峒殺氣黑少海旌旗黃禹功亦

命子涿鹿親戎行翠華擁英一作岳螭虎噉豺狼爪牙

一不中胡兵更陸梁大一作天軍載草草凋瘵滿膏肓備

員竊補袞憂憤心飛揚上感九廟焚一作毀下憫萬民一作

蒼生瘡斯時伏青蒲廷爭守御牀君辱敢愛死赫怒幸無

傷聖哲體仁恕宇縣復小康哭廟灰燼中鼻酸朝未央

小臣議論絕老病客殊方鬱鬱苦不展羽翮困低昂秋

風動哀壑碧蕙捐

一作捐

微芳之推避賞從漁父濯滄浪

榮華敵勲業歲暮有嚴霜吾觀鷗夷子才格出尋常羣
凶逆未定側佇英俊翔

遣懷

昔我遊宋中惟梁孝王都名今陳留亞劇則貝魏俱邑
中九萬家高棟照通衢舟車半天下主客多歡娛白刃
讐言不義黃金傾有無殺人紅塵裏報答在斯須憶與高
李輩適白論交入酒壚兩公壯藻思得我色敷腴氣酣登

吹一作臺懷古視平蕪芒碭雲一去雁驚空相呼先帝正

好武寰海未凋枯猛將收西域長戟破林胡百萬攻一

城獻捷不云輸組練棄如泥尺土負一作勝百夫拓境功未

已元和辭大爐亂離朋友盡合沓歲月徂吾衰將焉託

存歿再嗚呼蕭條益堪媿獨在天一隅一作蕭條病益甚塊獨天一隅乘

黃已去矣凡馬徒區區不復見顏鮑繫舟卧荆巫臨餐

吐更食常恐違撫孤

同元使君春陵行

有序

覽道州元使君結春陵行兼賊退後示官吏作二

首志之曰當天子分憂之地效漢官

舊作朝

良吏之

目

一作日

今盜賊未息知民疾苦得結輩十數公落

落然參錯天下為邦伯萬物吐

一作姓壯

氣天下少

一作

小安可得矣

一作已

不意復見比興體制微婉頓挫

之詞感而有詩增諸卷軸簡知我者不必寄元

一作

云

遭亂髮盡

一作遠

白轉衰病相嬰

一作蒙

沈緜盜賊際狼狽

江漢行歎時藥力薄為容羸瘵成吾人詩家秀

一作流

博

采世上名粲粲元道州前聖畏後生觀乎春陵作歛見

俊哲情復覽賊退篇結也實國楨賈誼昔流慟匡衡常

引經道州憂

一作哀

黎庶詞氣浩縱橫兩章對秋月

一作水

一字偕

一作皆

華星致君唐虞際純

一作淳

樸憶

一作意

大庭

何時降靈書用爾為丹青

公卿者神化之丹青

獄訟永

一作久

衰息

豈唯偃甲兵悽惻念誅求薄斂近休明乃知正人意不

苟飛長纓涼飈振南岳之子寵若驚色阻

一作沮

金印大

興含滄浪

一作

清我多長卿病日夕思朝廷肺枯渴太

甚漂泊公孫城呼兒具紙筆隱几臨軒楹作詩呻吟內
墨澹字敬傾感彼危苦詞庶幾知者聽

李潮八分小篆歌

蒼頡鳥跡既茫昧字體變化如浮雲陳倉石鼓

其石粗有鼓形

字刻石旁其數有十初在陳倉野中韓愈為博士時請於祭酒欲以數索駝與致太學不從鄭餘慶始遷之鳳翔愈以為宣王鼓葦應物以為文王鼓宣王刻歐陽修集古錄始設三疑鄭樵摘悉毀二字見於秦斤秦權而以為秦鼓程大昌又云成王之鼓左
傳成有岐陽之蒐其字乃番吾之跡又一作已訛大小

二篆生八分

宣王太史籀著大篆十五篇與蒼頡古文或異秦李斯胡毋敬革改省為小篆程邈

獻隸書主於徒隸簡易王次仲作八分蓋小篆古形猶存其半八分已減小篆之半隸又減八分之半本謂之

楷書楷隸大範相同張懷瓘謂程邈以後之隸與鍾王之今楷為一意歐陽修以八分為隸洪适因之迄無定

說

秦有李斯漢蔡邕中間作者寂不聞嶧山之碑野火

焚棗木傳刻肥失真苦縣光和

苦縣老子碑蔡邕書樊毅西岳碑漢光和中立

尚骨立

一作書

一作畫 貴瘦硬方通神惜哉李蔡不復

一作

可得吾甥李潮下筆親尚書韓擇木

昌黎人

騎曹蔡有鄰

濟陽人

開元已來數八分潮也奄有二子成三人況潮小

篆逼秦相快劍長戟森相向八分一字直百一作千金蛟

龍盤擘肉屈強吳郡張顛誇草書草書非古空雄壯豈

如吾甥不流宕丞相中郎丈人行巴東一作江逢李潮逾

月求我歌我今衰老才力薄潮乎潮乎奈汝何

覽柏中允一作承兼子姪數人除官制詞因述父

子兄弟四美載歌絲綸

紛然喪亂際見此忠孝門蜀中寇亦甚柏氏功彌存深
誠補王室戮力自元昆三止錦江沸獨清玉壘昏高名

入竹帛新渥照乾坤子弟先卒伍芝蘭疊璵璠同心注
師律灑血在戎軒絲綸實具載紱冕已殊恩奉公舉骨
肉誅叛經寒溫一作金甲雪猶凍朱旗塵不翻每聞戰場
說歛激懦氣奔聖主國多盜賢臣官則尊方當節鉞用
必絕侵沴庚音根吾病日回首雲臺誰再論作歌挹盛事
推轂期孤騫

聽楊氏歌

佳人絕代歌獨立發皓齒滿堂慘不樂響下清虛裏

一作

浮雲

江城帶素月況乃清夜起老夫悲暮年壯士淚如

水玉杯久寂莫金管迷宮徵勿云聽者疲愚智心盡死

古來傑出士

一作

豈待

一作

一知己吾聞昔秦青傾側

一作天下耳

荆南兵馬使太常卿趙公大食刀歌

太常樓船聲噉嘈問兵刮寇趨

一作

下牢

楚地有上下牢

牧出

令奔飛百艘猛蛟突獸紛騰逃白帝寒城駐錦袍玄冬
示我胡國刀壯士短衣頭虎毛憑軒拔鞘天為高翻風

轉日木

水一作

怒號冰翼雪

一作雲

澹傷哀猱鑄錯碧甃鷗

鷓膏銍鐔

一作鈔鋒

已瑩虛

一作靈

秋濤鬼物撇捩辭

一作亂

坑

壕蒼水使者捫赤條龍伯國人罷釣鰲芮公

恐是衛伯玉

回

首顏色勞分閻

一作壺

救世用賢豪趙公玉立高歌起攬

環結佩相終始萬歲持之護天子得君亂絲與君理蜀

江如線如鍼水

一作如鍼水

荆岑彈丸心未已賊臣惡子休

千紀魑魅魍魎徒為耳妖腰亂領敢欣喜用之不高亦

不庠不似長劔須天倚吁嗟光祿英雄弭大食寶刀聊

可比丹青宛轉麒麟裏光芒六合無泥滓

王兵馬使二角鷹

悲臺蕭颯

一作瑟

石龍從哀壑杈枒浩呼

一作污

洵中有萬

里之長江迴風滔

一作陷

日孤光動角鷹翻倒壯士臂將

軍玉帳軒翠

一作昂一作勇

氣二鷹猛腦徐侯穉

一作條徐墜

目如

愁胡視天地杉雞竹兔不自惜溪

一作孩

虎野羊俱辟易

韞上鋒稜十二翻將軍勇銳與之敵將軍樹勲起安西

崑崙虞泉入馬蹄白羽曾肉三狡狴敢決豈不與之齊

荆南芮公得將軍亦如角鷹下翔

一作入翔

雲惡鳥飛飛啄

金屋安得爾輩開其羣驅出六合泉鸞分

狄明府

博濟一作寄狄明府

梁公會孫我姨弟不見十年官濟濟大賢之後竟陵遲

浩蕩古今同一體比看叔伯四十人有才無命百察底

今者兄弟一百人幾人卓絕秉周禮在汝更用文章為

長兄白眉復天啟汝門請從曾翁

一作公

說太后當朝多

巧詆

一作計

狄公執政在末年濁河終

一作中

不污清濟國

嗣初將付諸武公獨廷諍守丹陛禁中決冊一作冊請一作

詔房陵

武后草唐廢中宗為廬陵王遷房州欲立武三思為太子仁傑泣諫曰母子姑姪孰親若立三

思他日廟不祔姑后感悟迎中宗還宮

前一作滿

朝長老皆流涕太宗社稷

一朝正漢官威儀重昭洗時危始識不世才誰謂荼苦

甘如薺汝曹又宜列土一作鼎

食身使門戶多旌祭胡為

漂泊岷漢間干謁王侯頗歷抵一作詆況乃山高水有波

秋風蕭蕭露泥泥虎之飢下巉嵒蛟之橫出清泚早歸

來黃土泥衣一作黃土眼易眯

秋風二首

秋風淅淅吹巫山上
牢下牢修水關吳檣
楚柁牽百丈

暖向神

一作成

都

唐志光宅元年
號東都曰神都

寒未還要路何日罷長

戟戰自青羌連百

一作白

蠻中巴不曾

一作得

消息好暝傳

戍鼓長雲間

秋風淅淅吹我衣
東流之外西日微
天清一作晴小城擣

練急石古細路行人稀
不知明月為誰好
早晚孤帆他

一作也

夜歸會將白髮倚庭樹
故園池臺今是非

久雨期王將軍不至

天

一作山

雨蕭蕭滯

一作帶

茅屋空山無以慰幽獨
銳頭將

軍來何遲令我心中苦不足數看黃霧亂玄雲時聽嚴

風折喬木泉源泠泠雜猿狖泥濘

一作潭

漠漠飢鴻鵠歲

暮窮陰耿未已人生會面難再得憶爾腰下鐵絲箭射

殺林中雪色鹿前者坐皮因問毛知子歷險入馬勞異

獸如飛星宿落應弦不礙蒼山高安得突騎只五千

然着骨皆爾曹走平亂世相催促一豁明主正鬱陶憶

恨一作

昔范增碎玉斗未使吳兵著白袍昏昏闔闔閉氛
祲十月荆南雷怒號

別李秘書始興寺所居

不見秘書心若失及見秘書失心疾安為動主理信然

我獨覺子神充實

一作精
神實

重聞西方止

一作
正

觀經老身

古寺風泠泠妻兒待我

一作來
一作來

且歸去他日杖藜來細

聽

虎牙行

虎牙在荆門之
北江水峻急

秋一作北風歔吸一作歔歔吹南國天地慘慘無顏色洞庭揚

波江漢迴虎牙銅柱皆傾側巫峽陰岑朔漠氣峰巒窈

窕谿谷黑杜鵑不來猿狖寒一作啼山鬼幽憂雪霜逼楚

老長嗟憶炎瘴三尺角弓兩斛力壁立石城橫塞起金

錯旌竿滿雲直漁陽突騎獵青丘犬戎鏖甲聞一作圍丹

極八荒十年防盜賊征戍誅求寡妻哭遠客中宵淚霑

臆

錦樹行

因篇內有錦樹二字摘以為題
非正賦錦樹也與上虎牙同

今日苦短昨日休歲云暮矣增離憂霜凋碧樹待

一作行一

作云錦樹萬壑東逝無停留荒戍之城石色古東郭老人

住青丘飛書白帝營斗粟琴瑟几杖柴門幽青

一作春草

萋萋盡枯死天馬

一作驥

跂

一作跛

足隨羸牛自古聖賢多

薄命姦雄惡少皆封侯

一作公侯

故國三年一消息終南

渭水寒悠悠五陵豪貴反顛倒鄉里小兒狐白裘生男

墮地要膂力一生

一作生女

富貴傾邦國莫愁父母少黃金

天下風塵兒亦得

赤霄行

孔雀未知牛有角，渴飲寒泉逢觝觸。赤霄懸圃須往來。

翠尾金花不辭辱，江中淘河

即鵝

嚇飛燕，銜泥却落羞。

華屋皇孫猶曾蓮

音輦勺

下邳有蓮勺，故城漢宣帝微時嘗受困處。

困衛

一作鮑

莊見貶傷其足，老翁慎莫怪少年。葛亮貴和書有篇

陳壽

定諸葛氏集目錄凡二十四篇，貴和第十一。

丈夫垂名動萬年，記憶細故非。

高賢

前苦寒行二首

王僧虔技錄清調有六曲一苦寒行。

漢時長安雪一丈牛馬毛寒縮如蝟楚江巫峽冰入懷
虎豹哀號又堪記秦城老翁荆揚客慣習炎蒸歲締綌
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮

寒刮

一作刮

肌膚北風利楚人四時皆麻衣楚天萬里

一作

項無晶輝三足之鳥足

一作骨

恐斷羲和送將何所歸

一作

迭送將安歸一作送之將安歸

後苦寒行二首

南紀巫廬瘴不絕太古以來無尺雪蠻夷長老怨苦寒

崑崙天關凍應

一作欲

折玄猿口噤不能嘯白鵠翅垂眼

流出

一作出

血安得春泥補地裂

晚

一作曉

來江門

一作邊一作問

失大木猛風中夜吹

一作飛

白屋

天兵斬斷

一作斬

青海戎殺氣南行動地軸不爾苦寒何

太

一作其

酷巴東之峽生凌澌彼蒼回軒

一作軒一作幹

人得知

晚晴

高唐

一作堂

暮冬雪壯哉舊瘴無復似塵埃崖沈谷没白

皚皚江石缺裂青楓摧南天三旬苦霧開赤日照耀從
西來六龍寒急光裴回照我衰顏忽落地口雖吟詠心
中哀未怪及時少年子揚眉結義黃金臺泊一作乎吾
生何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映天過
孤城樹羽揚風直江濤簸一作岸黃沙走雲雪埋山蒼
兕吼君不見夔子之國杜陵翁牙齒半落左耳聾

夜歸

夜來歸來衝虎過山黑家中已眠臥傍見北斗向江低
仰看明星當空大庭前把燭嗔一作喚兩炬峽口驚猿聞
一箇白頭老罷舞復歌杖藜不睡誰能那

寄柏學士林居

自胡之反持干戈天下學士亦奔波歎彼幽棲載典籍

蕭然暴露依

一作向

山阿青山萬里

一作重

靜散地白雨

一作

羽一洗空垂蘿亂代飄零余

一作餘

到此古人成敗子如

何荆揚春冬異風土巫峽日夜多雲一作風雨赤葉楓林

百舌鳴黃泥

一作花

野岸天雞舞盜賊縱橫甚密邇形神

寂莫甘辛苦幾時高議排金門各使蒼生有環堵

寄從孫崇簡

嵯峨白帝城東西南有龍湫北虎溪吾孫騎曾不騎一作

記馬業學尸鄉多養雞龐公隱時盡室去武陵春樹他

人迷與汝林居未相失近身藥裏酒長攜牧豎一作史樵

童亦無賴莫令斬斷青雲梯

奉酬薛十二丈判官見贈

忽忽峽中睡悲風

一作秋

方一醒西來有好鳥為我下青

冥羽毛淨

一作盡

白雪慘澹飛雲汀既蒙主人顧舉翮唳

孤亭持以比佳士及此慰揚舲清文動哀玉見道發新

硯欲學鷓鴣子待勒燕山銘誰重斷蛇劍

一作國重斬邪劍

致

君君未聽志在麒麟閣無心雲母屏卓氏近新寡豪家

朱門

一作戶

扃相如才

一作琴

調逸銀漢會雙星客來洗粉

黛日暮拾流螢不是無膏火勸郎勤六經老夫自汲澗

野水日泠泠我歎黑頭白君看銀印青臥病識山鬼為

農知地形誰矜坐錦帳苦厭食魚腥東西兩岸

一作岸兩

圻

一作積

水注滄溟碧色忽

一作苦

惆悵風雷搜百靈空

中右

一作有

白虎赤節引娉婷自云帝里

一作季

女啜雨鳳

皇翎襄王薄行跡莫學冷如丁

一作冰一作令威丁

千秋一拭淚

夢覺有微馨人生相感動金石兩青熒丈人但安坐休

辨渭與涇龍蛇尚格鬪灑血暗郊垆吾聞聰明主治

一作

活

國用輕刑銷兵鑄農器今古歲方寧文

一作天

王日儉

德俊又始盈庭榮華貴少壯豈食楚江萍

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年時
散蹄迸落瞿塘石白帝城門水雲外低身直下八千尺
粉堞電轉紫遊韁東得平岡出天壁江村野堂爭入眼
垂鞭一作鞞凌紫陌向來皓首驚萬人自倚紅顏能
騎射安知決臆追風足朱汗驂驪猶噴玉不虞一蹶終
損傷人生快意多所辱職當憂戚伏衾枕況乃遲暮加

煩促明

一作明

知來問腆我顏杖藜強起依僮僕語盡還

成開口笑提攜別埽清谿曲酒肉如山又一時初筵哀

絲動豪竹共指西日不相貸喧呼且覆杯中潑何必走

馬來為問

一作不為身

君不見嵇康養生遭

一作被

殺戮

別李義

神堯十八子十七王其門道

道王元慶

國洎

一作及

舒

舒王元明

國

督一作實

唯親弟昆中外貴賤殊余亦忝諸孫

李義當是道國之裔

甫則舒國後裔之外孫也

丈人嗣三葉

一作王業

之子白玉溫道國繼德

業請從丈人論丈人領宗卿肅穆古制敦先朝納諫諍
直氣橫乾坤子建文筆壯河間經術存爾一作温克富詩

禮骨清慮不喧洗

一作酒

然遇知己談論淮湖

一作河

奔憶

昔初見時小襦繡芳蓀長成忽會面慰我久疾魂三峽

春冬交江山雲霧昏正宜且聚集恨此當離尊莫怪執

杯遲我衰涕唾煩重問子何之西上岷江源願子少干

謁蜀都足戎軒誤失將帥意不如親故恩少年早歸來

梅花已飛翻努力慎風水豈惟數盤飡猛虎臥在岸蛟

螭出無痕王子自愛惜老夫困石根生別古所嗟發聲
為爾吞

送高司直尋封閩州

丹雀銜書來暮棲何鄉樹驂騑事天子辛苦在道路司
直非冗官荒山甚無趣借問泛舟人胡為入雲霧與子
姻婭間既親亦有故萬里長江邊邂逅一相遇長卿消
渴再公幹沈繇屢清談慰老夫開卷得佳句時見文章
士欣然澹一作談情素伏枕聞別離疇能忍漂寓良會苦

短促溪行水奔注熊羆咆空林游子慎馳驚西謁巴中
侯艱險如跬步主人不世才先帝常特顧拔為天軍佐
崇大王法度淮海生清風南翁尚思慕公宮造廣厦木
石乃無數初聞伐松柏猶臥天一柱我瘦一作病書不成
成字讀一作字亦誤為我問故人勞心練征戍

君不見簡蘇徯

君不見道邊廢棄池君不見前者摧折桐百年死樹中
琴瑟一斛舊水藏蛟龍丈夫蓋棺事始定君今幸未成

老翁何恨顛顛在山中深山窮谷不可處霹靂魍魎兼

并一作狂風

贈蘇四僎

異縣昔同遊各云厭轉蓬別離已五年尚在行李中戎
馬日衰息乘輿安九重有才何棲棲將老委所窮為郎
未為賤其柰疾病攻子何面黧黑不一作得豁心曾巴

蜀倦剽掠

一作劫

下愚成土風幽薊已削平荒徼尚彎弓

斯人脫身來豈非吾道東乾坤雖寬大所適裝囊空肉

食哂菜色少壯欺老翁況乃主客間古來偏側同君今
下荆揚獨帆如飛鴻二州豪俠場人馬皆自雄一請甘
飢寒再請甘養蒙

寄薛三郎中

據

人生無賢愚飄飄若埃塵自非得神仙誰免危

一作克免

其

身與子俱白頭役役

一作沒沒

常苦辛雖為尚書郎不及村

野人憶昔村野人其樂難具陳藹藹桑麻交公侯為等
倫天未厭戎馬我輩本常

一作長

貧子尚容荊州我亦滯

江濱峽中一臥病瘧癘終冬春春復加肺氣此病蓋有

因早歲與蘓鄭痛飲情相親二公化為土嗜酒不失真

余今委修短豈得恨命屯聞子心甚壯所過信席珍上

馬不用扶每一作忽扶必怒嗔賦詩賓客間揮灑動八垠

乃知蓋代手才力老益神青草洞庭湖東浮滄海濬君

山可避暑況足采白蘋子豈無扁舟往復江漢津我未

下瞿塘空念禹功一作力勤聽說松門峽吐藥攬衣巾高

秋却束帶鼓柁視青旻鳳池日澄碧濟濟多士新余病

不能起健者勿逡巡上有明哲君下有行化臣

大覺高僧蘭若

原注和尚去冬往湖南

巫山不見廬山遠松林

一作間

蘭若秋風晚一老猶鳴日

暮鐘諸僧尚乞齋時飯香爐峰色隱晴湖種杏仙家近
白榆飛錫去年啼邑子獻花何日許門徒

御定全唐詩卷二百二十二

欽定四庫全書薈要卷一萬七千六百二十八

集部

御定全唐詩卷二百二十三

杜甫

宿青溪驛奉懷張員外十五兄之緒

漾舟千山內日入泊枉

一作荒

渚我生本飄飄今復在何

許石根青楓林猿鳥聚儔侶月明游子靜畏虎不得語
中夜懷友朋乾坤此深阻浩蕩前後間佳期付

一作赴

荆

楚

敬寄族弟唐十八使君

甫自撰萬年縣君京兆杜氏墓誌云其先系統

於伊祁分
姓於唐杜

與君陶唐後盛族多其人聖賢冠史籍枝派羅源津在

今氣

一作最

磊落巧偽莫敢親介立實吾弟濟時肯殺身

物白諱受玷行高無汚真得罪永泰末放之五溪濱鸞

鳳有鍛翮先儒曾抱麟雷霆霹

一作劈

長松骨大却生筋

一失不足傷念子孰自珍泊舟楚宮岸戀闕浩酸辛除

名配清江厥土巫峽鄰登陸將首途筆札枉所申歸朝

跼病肺叙舊思重陳春風洪濤壯谷轉頗彌旬我能泛
中流搪突鼉獺瞋長年已省柁慰此貞良臣

憶昔行

憶昔北尋小有洞洪河怒濤過輕舸辛勤不見華蓋君

艮岑青輝慘么麼

不長曰么
細小曰麼

千崖無人萬壑靜三步回

頭五步坐秋山眼冷魂未歸仙賞心違淚交墮弟子誰

依白茅

一作石

室盧老獨啟青銅鎖巾拂香餘擣藥塵階

一作前除灰死燒丹火懸圃滄洲莽空闊金節羽衣飄婀娜

娜落日初霞閃餘映倏忽東西無不可松風澗水聲合
時青兕黃熊啼向我徒然咨嗟撫遺迹至今夢想仍猶

佐

一作左

祕訣隱文須內教晚歲何功使

一作收

願果更討

覓

一作

衡陽董鍊師南浮

一作游

早鼓瀟湘柁

魏將軍歌

將軍昔著從事衫鐵馬馳突重兩銜披堅執銳略西極
崑崙月窟東嶄巖君門羽林萬猛士惡若哮虎子所監
五年起家列霜戟一日過海收風帆平生流輩徒蠢蠢

長安少年氣欲盡，魏侯骨聳精爽緊。華岳峰尖見秋隼。

星躔寶校金盤陀。

馬裝也

夜騎天駟超天河，攬槍熒惑不

敢動翠蕤雲旃相蕩摩。吾為子起歌都護。

樂府有丁督護歌一曰阿

都護李白集亦作丁都護

酒闌插劍肝膽露，鈎陳蒼蒼風玄武。

一作玄武

暮萬歲千秋奉明主，臨江節士安足數。

宋陸厥有臨江節士歌

北風

北風破南極，朱鳳日威

一作低

垂洞庭，秋欲雪。鴻雁將安

歸，十年殺氣盛。六合人煙稀，吾慕漢初老。時清猶茹芝。

客從

客從南溟來遺我泉客

泉先又名泉客即鮫人泣則成珠

珠珠中有隱

字欲辨不成書緘之篋笥久以俟公家須開視化為血
哀今徵斂無

白馬

白馬東北來空鞍貫雙箭可憐馬上郎意氣今誰見近
時主將戮中夜商

一作傷

於戰喪亂死多門嗚呼淚如霰

白鳧行

君不見黃鵠高於五尺童化為白鳧似一作象老翁故畦

遺穗已蕩盡天寒歲

日一作暮

波濤中鱗介腥羶素不食

終日忍飢西復東魯門鷄鷓亦蹭蹬聞道如

于一作于

今猶

避風

朱鳳行

君不見瀟湘之山衡山高山巔

一作巖

朱鳳聲

一作鳴

嗷嗷

側身長顧求其羣

一作曹

翅垂口噤心甚勞

一作勞

下愍百

鳥在羅網黃雀最小猶難逃願分竹實及螻蟻盡

一作忍

使鷓鴣相怒號

惜別行送向卿進奉端午御衣之上都

肅宗昔在靈武城
指揮猛將收咸京
向公泣血灑行殿
佐佑卿相乾坤平
逆胡冥冥隨煙燼
卿家兄弟功名震
麒麟圖一作閣
畫鴻雁行紫極出入黃金印
尚書勲業超

千古雄鎮荊州繼吾祖
裁縫雲霧成御衣
拜跪題封向

一作賀端午向卿將命寸心赤
青山落日江潮白
卿到朝

廷說老翁漂零已
是滄浪客

廣德元年衛伯玉拜江陵尹尋加檢校工部尚書此

云鎮荊州謂伯玉也繼吾祖者杜預昔以鎮南大將軍都督荊州諸軍事向卿者尚書將命之人也

醉歌行贈公安顏少府請顧八題壁

一作贈公安縣顏十

少府

神仙中人不易得顏氏之子才孤標天馬長鳴待駕馭
秋鷹整翮當雲霄君不見東吳顧文學君不見西漢杜
陵老詩家筆勢君不嫌詞翰升堂為君埽是日霜風凍
七澤烏蠻落照銜赤壁酒酣耳熱忘頭白感君意氣無

所惜一為歌行歌主客

一作醉歌行歌主客

夜聞鬻菓

夜聞鬻菓滄江上衰年側耳情所嚮鄰舟一聽多感傷

塞曲三更歛悲壯積雪飛霜此夜寒孤燈急管復風一作

奔湍君知天地一作干戈滿不見江湖一作行路難

發劉郎浦

浦在石首縣昭烈納吳女處

挂帆早發劉郎浦疾風颯颯昏亭午舟中無日不沙塵

岸上空村盡豺虎十日北風風未回客行歲晚晚一作

相催白頭厭伴漁人宿黃帽青鞋歸去來

別董穎

窮冬急風水逆浪開帆難士子甘旨闕不知道里寒有

求彼樂土南適小長安

地在南陽縣

到一作別

我舟楫去覺君

衣裳單素聞趙公

鄧州守

節兼盡賓主歡已結門廬

一作閭

望無令霜雪殘老夫纜亦解脫粟朝未餐飄蕩兵甲際

幾時懷抱寬漢陽頗寧靜峴首試考槃當念著白帽

一作

皂褐采薇青雲端

送重表姪王砮

一作殊砮力制切屨石渡水也今作厲

評事使南

海

我之曾祖

一作老

姑爾之高祖母爾祖未顯時歸為尚書

王珪也

婦隋朝大業末房杜

史載王珪徵時與房杜游其母窺見大驚救具酒食盡歡

曰二容公輔器子必與之借貴

俱交友長者來在門荒年自餬口家貧

無供給客位但箕帚俄頃羞頗珍

一作頗羞珍

寂寥人散後

入怪鬢髮空吁嗟為之久自陳翦髻鬢鬻市充枵

一作枵

酒上云天下亂宜與英俊厚向竊窺數公經綸亦俱有

次問最少年蚪鰲十八九子等成大名皆因此人手下

云風雲合龍虎一吟吼願展丈夫雄得辭兒女醜秦王
時在坐真氣驚戶牖及乎貞觀初尚書踐台斗夫人常
肩輿上殿稱萬壽六宮師柔順法則化妃后至尊均嫂
叔盛事垂不朽鳳雛無凡毛五色非爾曹往者胡作逆
乾坤沸噉噉吾客左一作馮翊爾家同遁逃爭奪至徒
步塊獨委蓬蒿逗留熱爾腸十里却呼號自下所騎馬
右持腰間刀左牽紫遊韁飛走使我高苟活到今日寸
心銘佩牢亂離又聚散宿昔恨滔滔水花笑白首春草

隨青袍廷評近要津
節制收英髦北驅漢陽傳南泛上
瀧舫家聲肯墜地利器當秋毫
番禺親賢領籌運神功
操大夫出盧宋一作宗寶貝休脂膏
洞主降接武海胡舶
千艘我欲就丹砂
跋涉覺身勞安能陷糞土
有志乘鯨
鼇或驟鸞騰天聊一作不作鶴鳴臯

詠懷二首

人生貴是男丈夫重天機
未達善一身得志行所為
嗟余竟輶軻將老逢艱危
胡雛逼神器逆節同所歸
河雒

化為血公侯

一作御

草間啼西京復陷沒翠蓋蒙塵飛萬

姓悲赤子兩宮棄紫微倏忽向二紀奸雄多是非本朝

再樹立未及貞觀時日給在軍儲上官督有司高賢迫

形勢豈暇相扶持疲茶苟懷策棲屑無所施先王實罪

已愁痛正為茲歲月不我與蹉跎病於斯夜看豐城氣

回首蛟龍池齒髮已自料意深陳苦

一作昔詞

邦危壞法則聖遠益愁慕飄颻桂水遊悵望蒼梧暮潛
魚不銜鉤走鹿無反顧皦皦幽曠心拳拳異平素衣食

相拘闕

五嘅切

朋知限流寓風濤上春沙千

一作十

里侵

一作

浸

江樹逆行少

一作值

吉日時節空復度井竈任塵埃舟

航煩數具牽纏加老病瑣細隘俗務萬古一死生胡為
足名數多憂汚桃源拙計泥銅柱未辭炎瘴毒擺落跋
涉懼虎狼窺中原焉得所歷住葛洪及許靖避世常此
路賢愚誠等差自愛各馳驚羸瘠且如何魄奪鍼灸屢
擁滯僮僕慵稽留篙師怒終當挂帆席天意難告訴南
為祝融客勉強親杖屨結託老人星羅浮展衰步

送顧八分文學適洪吉州

集古錄顧戎奢善八分英華題內無洪字

中郎石經後八分蓋顛顛顧侯運鑪錘筆力破餘地昔

在開元中韓

擇有木鄰

蔡同鼎願玄宗妙其書是以數子至

御札早流傳揄揚非造次三人並入直恩澤各不二顧

於韓蔡內辨眼工小字分日示

一作侍

諸王鉤深法更祕

文學與我遊蕭疎外聲利追隨二十載浩蕩長安醉高

歌卿相宅文翰飛省寺視我揚馬

一作班揚

間白首不相棄

驂騑入窮巷必脫黃金轡一論朋友難遲暮敢失墜古

來事反覆相見橫涕泗嚮者玉珂人誰是青雲器才盡

傷形體

一作骸

病渴汙官位故舊獨依然時危話顛躓我

甘多病老子負憂世志胡為困衣食顏色少稱遂遠作

辛苦行順從衆多意舟楫無根蒂蛟鼉好為崇況兼水

賊繁特戒風颭駛崩騰戎馬際

一作險

往往殺長吏子干

東諸侯勸

一作勤

勉防縱恣邦以民為本魚飢費香餌請

哀瘡痍深告訴皇華使使臣精所擇進德知歷試惻隱

誅求情固應賢愚異列

一作烈

士惡苟得俊傑思自致贈

子猛虎行出郊載酸鼻

上水遣懷

我衰太平時身病戎馬後
蹭蹬多拙為安得不皓首驅
馳四海內童穉日餬口
但遇新少年少逢舊親友
低顏下色地故人知善誘
後生血氣豪舉動見老醜窮
迫挫曩懷常如中風走一紀
出西蜀於今向南斗孤舟亂
春華一作草暮齒依蒲柳冥冥九
疑葬聖者骨亦一作已朽蹉
跎陶唐人鞭撻日月久中間
屈賈輩讒毀竟自取鬱沒

一作

悲魂蕭條猶在否
嶒嶸清湘石逆行
雜林藪篤

工密逞巧氣若酣
杯酒歌謳互激遠

一作越

回斡明受

一作

相授善

一作蓋

知應觸類各藉穎
脫手古來經濟才
何事

獨罕有蒼蒼衆色
晚熊挂玄蛇吼黃
羆在樹顛正為羣
虎守羸骸將何適
履險顏益厚庶與
達者論吞聲混瑕
垢

遣遇

磬折辭主人開帆
駕洪濤春水滿南
國朱崖雲日高舟

子廢寢食飄風爭所操我行匪利涉謝爾從者勞石間

采蕨女嚮菜

一作市

輸官曹丈夫死百役暮返空村號聞

見事略同刻剝及錐刀貴人豈不仁視汝如莠蒿索錢
多門戶喪亂紛嗷嗷柰何黠吏徒漁奪成逋逃自喜遂

生理花時甘

一作貴

緼袍

解

一作遠

憂

減米散同舟路難思共濟向來雲濤盤衆力亦不細呀

坑

一作帆一作吭夢弼曰呀坑乃灘口也趙曰淤坑如口之呀開也

瞥眼過飛櫓本無

帶得失瞬息間致遠宜恐泥百慮視安危分明曩賢計
茲理庶可廣拳拳期勿替

宿鑿石浦

浦在湘潭縣西

早宿賓從勞仲春江山麗飄風過無時舟楫敢不一作不敢

繫回塘澹暮色日沒衆星噤缺月殊未生青燈死分翳

窮途多俊異亂世少恩惠鄙夫亦放蕩草草頻卒一作年

歲斯文憂患餘聖哲垂豕繫

早行

歌哭俱在曉行邁有期程孤舟似昨日聞見同一聲飛

鳥數

一作散

求食潛魚亦

一作何

獨驚前王作網罟設法害

生成碧藻非不茂高帆終日征干戈未

一作異

揖讓崩迫

開

一作關

其情

過津口

南岳自茲近湘流東逝深和風引桂楫春日漲雲岑回

首

一作道

過津口而多楓樹林白魚困密網黃鳥喧嘉音

物微限通塞惻隱仁者心氛餘不盡酒邴有無聲琴聖

賢兩寂莫眇眇獨開襟

次空靈岸

宜作空舫湘水縣有空冷峽又有空舫灘

沅沅逆素浪落落展清眺幸有舟楫遲得盡所歷妙空

靈霞石峻楓枯

一作枯

隱奔峭青春猶無

一作有

私白日亦

一作已偏照可使營吾居

一作屋

終焉託長嘯毒瘴未足憂

兵戈滿邊徼嚮者留遺恨恥為達人誚迴帆覬賞延佳處領其要

宿花石戍

長沙有淥口花石二戍

午辭空靈岑夕得花石戍岸疏開闢水一作山木雜今古

樹地蒸南風盛春熱西日暮四序本平分氣候何迴互

茫茫天造一作地間一作開理亂豈恒數繫舟盤藤輪策杖

古樵路罷音疲人不在村野圃泉自注柴扉雖蕪沒農器

尚牢固山東殘逆氣吳楚守王度誰能扣君門下令減

征賦

早發

有求常百慮斯文亦吾病以茲朋故多窮老驅馳并早

行篙師怠席挂風不正昔人戒垂堂今則奚奔命濤翻

黑蛟躍日出黃霧映煩促瘴豈侵顏倚睡未一作還醒僕

夫問盥擲暮顏一作未靦青鏡隨意簪葛巾仰慙林花盛

側聞夜來寇幸喜囊中淨艱危作遠客干請傷直性薇

蕨餓首陽粟馬資歷聘賤子欲適從疑誤此二柄謂采薇歷

聘借用韓非
二柄篇字

次晚洲

參錯雲石稠坡陀風濤壯晚洲適知名秀色固異狀擢

經垂援把身在度鳥上擺浪散帙妨危沙折一作花當

羈離暫愉悅羸老反惆悵中原未解兵吾得終疎放

望嶽

南嶽配朱鳥秩禮自百王歛吸領地靈鴻一作洞半炎

方邦家用祀典在德非馨香巡守何寂寥有虞今則亡

洎一作吾隘世網行邁越瀟湘渴日絕壁出漾舟清光

旁祝融五一作峰尊峰峰次低昂紫蓋獨不朝爭長巒相

望恭聞魏夫人南岳夫人姓衛名華存字賢安晉司徒魏舒女劉文生妻後得道升天羣

仙夾翱翔有時五峯氣散風如飛霜牽迫限一作恨修途

未暇杖崇岡歸來覬命駕沐浴休玉堂三歎問府主岳即

神仙府洞府之主也曷以贊我皇牲璧忍一作感衰俗神其思降祥

湘江宴餞裴二端公裴赴道州

白日照舟師朱旗散廣川羣公餞南伯肅肅秩初筵鄙

人奉末眷佩服自早年義均骨肉地懷抱罄所宣盛名

富事業無取媿高賢不以喪亂嬰保愛金石堅計拙百

寮下氣蘇君子前會合苦不久哀樂本相纏交遊颯向

盡宿昔浩茫然促觴激百慮掩抑淚潺湲熱雲集曛

一作

初集

黑缺月未生天白團為我破華燭蟠長煙鵓鶻

一作鶻鵓

一作鶻鵓

催明星解袂從此旋上請減兵甲下請安井田永

念病渴老附書遠山巔

清明

著處繁花務

一作華務

是

一作足

日長沙千人萬人出渡頭翠

柳豔明眉爭道朱蹄驕齧邾此都好遊湘西寺諸將亦

一作遠一作方

自軍中至馬援征行在眼前葛強親近同心事

金盞下山紅粉

一作日

晚牙檣振柁青樓遠古時喪亂皆

可知人世悲歡暫相遣弟姪雖存不得書干戈未息苦

離一作難

居逢迎少壯非吾道况乃今朝更祓除

風雨看舟前落花戲為新句

江上人家桃樹

一作李

枝春寒

一作風

細雨出疎籬影遭碧

水潛勾引風妒紅花却倒吹吹花困癡

一作嬾

傍舟檝水

光風力俱相怯赤憎

赤憎猶生憎亦方言也

輕薄遮入

一作人

懷珍

重分明不來接

一作折

濕久飛遲半日

一作欲

高縈沙惹草

細於毛蜜蠶蝴蝶生情性一作住偷眼蜻蜓避百勞

岳麓山道林二寺行

玉泉之南麓山殊道林林壑爭盤紆寺門高開洞庭野

殿脚插入赤沙湖五月寒風冷佛一作拂骨六時天樂朝

香爐地靈步步雪山草僧寶人人滄海珠捨劫一作級宮

牆一作壇壯麗敵香一作石厨松道清涼一作崇俱蓮花一作池

交響共命鳥金榜雙迴三足烏方丈涉海費時節懸圃

尋河知有無暮年且喜經行近春日兼蒙暄暖扶飄然

斑白身一作將奚適傍此煙霞茅可誅桃源人家易制度

橘洲田上仍膏腴潭府邑中甚淳古太守庭內不喧呼

昔遭衰世皆晦迹今幸樂國養微軀依止老宿亦未晚

富貴功名焉足圖久為野客一作謝尋幽慣細學何一作當

顯免興孤一重一掩吾肺腑山一作仙鳥山花吾友于宗

公原注之問也放逐曾題壁物色分留與一作待老夫

奉送魏六丈佑少府之交廣

賢豪贊經綸功成空名一作名空垂子孫不振耀一作沒歷

代皆有之鄭公四葉孫長大常苦飢衆中見毛骨猶是

麒麟兒磊落貞觀事致君樸直詞家聲蓋六合行色何

其微遇我蒼梧陰一作野忽驚會面稀議論有餘地公侯

來未遲虛思黃金貴自笑青雲期長卿久病渴武帝元

同時季子黑貂敝得無妻嫂欺尚為諸侯客獨屈州縣

卑南游炎海甸浩蕩從此辭窮途仗神道世亂輕土宜

解帆歲云暮可與春風歸出入朱門家華屋刻蛟螭玉

食亞王者樂張游子悲侍婢豔傾城綃綺輕一作煙霧霏

掌

一作堂

中琥珀鍾行酒雙透迤新歡繼明燭梁棟星辰

飛兩情顧盼合珠碧贈于斯上貴見肝膽下貴不相一作

見疑心事披寫間氣酣達

一作遠

所為錯揮鐵如意莫避

珊瑚枝始兼

一作無

逸邁興終慎賓主儀戎馬閭天宇鳴

呼生別離

別張十三建封

嘗讀唐實錄國家草昧初劉

文靜 裴

寂建首義龍見尚躄

踏秦王撥亂姿一劍總兵符汾晉為豐沛暴隋竟滌除

宗臣則廟食後祀何疎蕪彭城英雄種宜膺將相圖爾
惟外曾孫個儻汗血駒眼中萬少年用意盡崎嶇相逢

長沙亭乍問緒業餘乃吾故人子童牝聯居諸

張建封
兗州人

父玠少豪俠安祿山將李庭偉脅下城邑玠率鄉豪集
兵殺之太守韓擇木方遣使奏聞玠流蕩江南不言其
功甫父為兗州司馬當
以趨庭之日與玠遊也揮手灑哀淚仰看八尺軀內外

名家流風神蕩江湖范雲堪晚

一作
結

友嵇紹自不孤擇

材征南幕

大歷初道州刺史袁蚪薦建封於觀察使韋
之晉辟為參謀奏授左清道兵曹不樂吏役

而湖一作
湖

落回鯨魚載感賈生慟復聞樂毅書主憂急

盜賊師老荒京都舊丘豈稅駕大厦傾宜扶君臣各有
分管葛本時須雖當霰雪嚴未覺栝柏枯高義在雲臺
嘶鳴望天衢羽人埽碧海功業竟何如

暮秋枉襄道州手札率爾遣興寄近

一作
遞

呈蘇

渙侍御

久客多枉友朋書素書一月凡一束虛名但蒙寒溫

一作

暄

問泛愛不救溝壑辱齒落未是無心人舌存恥作窮

途哭道州手札適復至紙長要自三過讀盈把那須滄

海珠入懷本倚崑山玉撥棄潭州百斛酒蕪沒瀟岸千
株菊使我晝立煩兒孫令我夜坐費燈燭憶子初尉永
嘉去紅顏白面花映肉軍符侯印取豈遲紫燕驟耳行
甚速聖朝尚飛戰鬪塵濟世宜引英俊人黎元愁痛會
蘇息夷狄跋扈徒逡巡授鉞築壇聞意旨頽網漏網期
彌綸郭欽上書見大計劉毅答詔驚羣臣他日更僕語
不淺明公論兵氣益振傾壺簫管黑

一作理
一作動

白髮儼劔

霜雪吹青春宴筵曾語蘇季子後來傑出雲孫比茅齋

定王城郭門藥物楚老漁商市市北肩輿每聯袂郭南
抱甕亦隱几無數將軍西第成早作丞相東山起鳥雀
苦肥秋粟菽蛟龍欲蟄寒沙水天下鼓角何時休陣前
部曲終日死附書與襄因示蘇此生已媿須人扶致君
堯舜付公等早據要路思捐軀

奉贈李八丈判官

曠

我丈時

一作特

英特宗枝神堯後珊瑚市則無駮驥人得

有早年見標格秀氣衝

一作通

星斗事業富清機官曹正

獨守頃來樹嘉一作佳政皆已傳衆口艱難體貴安冗長

吾敢取區區猶歷試炯炯更持久討論實解頤操割紛

應手篋書積諷諫宮闕限奔走入幕未展材一作懷秉鈞

孰為偶所親問淹泊泛愛惜衰朽垂白亂一作辭南翁一作慕

委身希北叟南翁北叟俱知真成窮轍鮒或似喪家狗

秋枯洞庭石風颯長沙柳高興激荆衡知音為回首

歲晏行

歲云暮矣多北風瀟湘洞庭白雪一作雲中漁父天寒網

苦凍莫徭

長沙雜夷
有名莫徭

射雁鳴桑弓去年米貴闕軍食今

年米賤大傷農高馬達官厭酒肉此輩杼軸茅茨空楚
人重魚不重鳥汝休枉殺南飛鴻況聞處處鬻男女割
慈忍愛還租庸往日用錢捉私鑄今許一作
來鉛錫和青
銅刻泥為之最易得好惡不合長相蒙萬國城頭吹畫
角此曲哀怨何時終

追酬故高蜀州人日見寄

并序

開文書帙中檢所遺忘因得故高常侍適往居在

成都時高任蜀州刺史人日相憶見寄詩淚灑行
間讀終篇末自枉詩已十餘年莫記存歿又六七
年矣老病懷舊生意可知今海內忘形故人獨漢
中王一作郡王瑀與昭州敬使君超先在愛而不見情
見乎辭大歷五年正月二十一日却追酬高公此
作因寄王及敬弟

自蒙

一作枉

蜀州人日作不意清詩久零落今晨散帙眼

忽開

一作明

迸淚幽吟事如昨嗚呼壯士多慷慨合沓高

名動寥廓歎我悽悽求友篇感時

一作君

鬱鬱匡君

一作時

畧錦里春光空爛熳瑤墀侍臣已冥莫瀟湘水國傍鼇

鼉郭杜秋天失鷗鷺東西南北更誰

一作堪

論白首扁舟

病獨存遙

一作猶

拱北辰纏寇盜欲傾東海洗乾坤邊塞

西蕃

一作羌

最充斥衣冠南渡多崩奔鼓瑟至今悲帝子

曳裾何處覓王門文章曹植波瀾闊服食劉安德業尊

長笛誰能

一作鄰家

亂愁思昭州詞翰與招魂

蘇大侍御訪江浦賦八韻記異

草堂詩本無此題竟以序為題

八韻詩止七
韻疑有脫誤

蘇大侍御渙靜者也旅於江側凡

乃一作

是不交州

府之客人事都絕久矣肩輿江浦忽訪老夫舟楫
而已茶酒內余請誦近詩肯吟數首才力素壯詞
句動人接對明日憶其湧思雷出書篋几杖之外
殷殷留金石聲賦八韻記異亦見老夫傾倒於蘇
至矣

龐公不浪出蘇氏今有之再聞誦新作突過黃初詩乾

坤幾

一作洎

反覆揚馬宜同時今晨清鏡中勝食齋房芝

余髮喜却變白間生

一作添

黑絲昨

一作永

夜舟火滅

一作接天

一作天接

湘娥簾外悲百靈未敢散風破

一作浪

寒江遲

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一顛顛鳴
呼已十年儒服弊於地征夫不遑息學者淪素志我行
洞庭野歛得文翁肆侏曹子行若舞風雩至周室宜
中興孔門未應棄是以資雅才渙然立新意衡山雖小

邑首唱恢大義因見縣尹心根源舊宮闕講堂非曩構

大屋加塗墜下可容百

一作萬

人牆隅亦深邃何必三千

徒始壓戎馬氣林木在庭戶密幹疊蒼翠有井朱夏時

輓轡凍階記

音士

耳聞讀書聲殺伐災彷彿故國延歸望

衰顏減愁思南紀改

一作收

波瀾西河共風味采詩倦跋

涉載筆尚可記

一作常記異一作紀奇異

高歌激宇宙凡百慎失墜

入衡州

兵草自久遠興衰看帝王漢儀甚照耀胡馬何猖狂老

將一失律清邊生戰場君臣忍瑕垢河岳空金湯重鎮

如割據輕權絕紀綱軍州體不一寬猛性所將嗟彼苦

節士

謂潭州刺史崔瓘為賊玠所殺

素于圓鑿方寡妻從為郡兀者安

堵

一作短

牆凋弊惜邦本哀矜存事常旌麾非其任府庫

實過防怒

一作怒

已獨在此多憂增內傷偏裨限酒肉卒

伍單衣裳元惡

謂賊玠

迷是似聚謀

一作謀

洩康莊竟流帳

下血大降湖南殃烈火發中夜高煙焦上蒼至今分粟

帛殺氣吹沅湘福善理顛倒明徵天莽茫銷魂避飛鏑

累足穿豺狼隱忍枳棘刺遷延胝趼瘡遠歸兒侍側猶
乳女在旁久客幸脫免暮年慙激昂蕭條向水陸汨沒
隨魚商報主身已老入朝病見妨悠悠委薄俗鬱鬱回
剛腸參錯走洲渚春容轉林篁片帆左一作在柳岸通郭

前衡陽華表雲鳥埤

一作陣

名園花草香旗亭壯邑屋烽

櫓蟠

一作臥

城隍中有古刺史

謂陽濟也

盛才冠巖廊扶顛待

柱石獨坐飛風霜昨者間瓊樹高談隨羽觴無論再繾
綣已是安蒼黃劇孟七國畏馬卿四賦良門闌蘇生在

蘇生

侍御 勇銳白起強問罪 時澧州楊子琳道州裴蚪 富形勢

凱歌懸否臧氛埃期必埽 蝨蝨馬能當橘 一作 井舊地

宅仙山引舟航此行厭暑雨 厥土聞清涼 諸舅 謂崔偉公

甫將往 剖符近開緘 書札光頻繁 命屢及磊落字百行

江總外家養謝安乘興長下流 匪珠玉擇木羞鸞皇我師

嵇叔夜世賢張子房 原注彼 柴荆寄樂土 鵬路觀翱翔

舟中苦熱遣懷奉呈楊中丞 即陽濟時兼 通簡

臺省諸公

媿為湖外客看此戎馬亂中夜混黎屯脫身亦奔竄平

生方寸心反掌

一作當

帳下難嗚呼殺賢良不叱白刃散

吾非丈夫特沒齒埋冰炭恥以風病辭胡然泊湘岸入
舟雖苦熱垢膩可漑灌痛彼道邊人形骸改昏旦中丞
連帥職封內權得按身當問罪先縣實諸侯半士卒既
輯睦啓行促精悍似聞上游兵稍逼長沙館鄰好彼克
修天機自明斷南圖卷雲水北拱戴霄漢美名光史臣
長策何壯觀驅馳數公子咸願同伐叛聲節哀有餘夫

何激衰懦

叶煖去聲

偏裨表三上鹵莽同一貫始謀誰其間

回首增憤惋宗英李端公守職甚昭煥變通迫脅地謀

畫焉得筭王室不肯微凶徒畧無憚此流須卒斬神器

資強幹扣寂豁煩襟皇天照嗟歎

通鑑臧玠之亂澧州刺史楊子琳討之取

賂而還初崔旰殺郭英乂子琳起兵討旰杜鴻漸各授官以和解之及子琳攻旰敗還縱兵涪夔衛伯玉請於朝以為峽州罔絀使甫詩所謂褊裨表三上鹵莽同一貫者合前後三叛言之也始謀誰其間蓋追論鴻漸伯玉故曰回首增憤惋唐藩鎮有事俱用褊裨上表假衆論以脅制朝廷也

聶耒陽以僕阻水書致酒肉療飢荒江詩得代

懷興盡本韻至縣呈聶令陸路去方田驛四十
里舟行一日時屬江漲泊於方田

耒陽馳尺素見訪荒江眇

一作眇

義士烈女家風流吾賢

紹昨見狄相孫許公人倫表前期

一作朝

翰林後屈跡縣

邑小知我礙湍濤半旬獲浩漕

漕玉篇以沼切上
林賦浩漕演漾

麾下

殺元戎湖邊有飛旄孤舟增鬱鬱僻路殊悄悄側驚猿
猱捷仰羨鶴鶴矯禮過宰肥羊愁當置清醪人非西喻
蜀興在北坑趙方行柳岸靜未話長沙擾崔師乞已至


澧卒用矜少問罪消息真開顏憇亭沼

原注開崔侍御
濕乞師於洪府

師已至袁州北揚中丞琳問罪將士自澧上達長沙矣
錢謙益曰舊書本傳甫遊衡山寓居耒陽唱牛肉白酒
一夕而卒於耒陽元稹墓誌扁舟下荆楚問竟以寓卒
旅殯岳陽公卒於耒陽殯於岳陽史誌皆可考據近代
有為杜工部耒陽祠堂記者大畧曰子美出瞿塘下江
陵登岳陽樓覽衡岳抵耒陽適江水暴漲為驚湍所漂
僅得遺靴因壘土築虛冢瘞之解縉有詩云蔡倫池上
霧如紙杜老祠前秋日黃為問靴洲江上水流船三日
到衡陽按此則杜甫之歿不特以牛肉白酒并罹汨羅
之酷矣耒陽縣志杜甫祠墓在縣治北二里茗溪漁隱
謂考襄陽岳陽俱無杜甫墓惟耒陽有之大抵賢者所
在人各引以為重不妨耒陽自葬子美之遺靴而祠業
所葬元稹所誌乃在鞏
縣首陽可不必聚辨也



御定全唐詩卷二百二十三



總校官庶吉士臣張能照

校對官檢討臣蕭九成

騰錄監生臣周元